

推吾身以外及者治人之方歛吾心以內守者事天之則因其實而為虛不盡用之謂嗇由是而復本由是而積德以能無能而能以極死極之極故有國者治人之施而有母者事天而得既得其母子不待索性根命帶灌溉凝植環二炁以為絲化萬有而莫測固將觀天地之終窮而逍遙乎無方之域嘖此是朝元第二方蓬萊不在海中央伏雌莫為寅風動胎蚌還分夜月光修真學道則一而入門有不同此則審動靜之機明感應之理守之以待自然而然所謂積功累行而滿三千者是也

治大國章第六十

治大國若烹小鮮以道莅天下其鬼不神非其鬼不神其神不

道藏輯要

道德真經卷之四訓頌

言

心集五
又古入

傷人非其神不傷人聖人亦不傷夫兩不相傷故德交歸焉

若烹小鮮者求水火之宜以調陰陽也其鬼不神者用以陰柔而隱夫陽也其神不傷人者陽亦未嘗不用而能不顯其剛也聖人亦不傷者參贊裁成以保和太和也嘖獨陽不成獨陰不生生成萬物陰陽合凝用剛則折柔久是能剛內以守柔外以行事天法地人所以靈裁成妙合天地清甯返之一已萬有包弁示以槁死存吾剛明綿綿不亡朝乎太清

大國者下流章第六十一

大國者下流天下之交天下之牝牝常以靜勝牡以靜為下故大國以下小國則取小國小國以下大國則取大國故或下以